

**Nakorsaataasiveqarnermut inatsimmik, peqqinnissaq pillugu inatsimmik aamma pilersuineq, angallanneq, allakkerineq il.il. pillugit Kalaallit Nunaannut inatsimmik allannguineramik inatsit**

(Nakorsaataasiviuteqarnissamik akuersissuteqartarunnaarnissamut 70-inik ukioqalernerme ukiutigut killissarititaasup atorunnaarsinneqarnera, nakorsaataasivimmik pisatsersuinissamik eqquutitsinissaq, nakorsaatinik innersuussisarnermik nakkutilliinerup nukittorsarneqarnera il.il.)

UAGUT MARGRETHE AAPPAAT, Guutip saammaanneranik Danmarkip Dronningia, imaaliorpugut:

Folketingip inatsit manna akueraa aamma Uagut akuersinitsigut aalajangersarpaa

**§ 1**

Nakorsaataasivimmik ingerlataqarneq pillugu inatsimmi, tak. inatsimmik nalunaarut nr. 855, 4. august 2008-meersoq, allanngortinneqartoq inatsimmi nr. 1336-mi, 19. december 2008-meersumi § 71-ikkut, imatut allannguisoqarpoq:

1. § 11, imm. 6, imatut oqaasertaqassaaq:

>>6) Nakorsaatit sinnikuinik atuisuniit tigusineq, suujunnaarsitsinissaq siunertaralugu.<<

2. § 11, imm. 1, nr. 7-imi >>peqqinnissamut ministerip erseqqinnerusumik aalajangiinera naapertorlugu oqartussaasoq alla << allanngortinneqassaaq ima: >>Nakorsaatinik Aqutsisoqarfik<<.

3. § 11, imm. 2 aamma 3-mi >>oqartussaasoq, peqqinnissamut ministerip paasissutissanik imm. 1, nr. 7-imi taaneqartunik tiguisussatut toqqagaa<< allanngortinneqassaaq ima: >> Nakorsaatinik Aqutsisoqarfik <<.

4. § 11, imm. 4, imatut oqaasertaqassaaq:

>>Imm. 4. Nakorsaatinik Aqutsisoqarfiup nakorsaatit uerinartortallit aamma sianiutigissaatit nakorsaasiissutigineqartarnerat pillugu paasissutissat tamaasa Peqqinnissamik Aqutsisoqarfimmut ingerlateqqissinnaavai, matumunnga ilanngullugit paasissutissat, nakorsaatissamik allagartamik tunniussisup inuup normua atorlugu kinaassusersineqarnissaanut tunngasut, nakorsaatissanik allagartamik tunniussisup nakorsaatinik innersuussutaanik aalajangersimasunik Peqqinnissamut Aqutsisoqarfiup naliliinissaa siunertaralugu.<<

5. § 11, imm. 5 aamma 6-imi >> oqartussaasoq, paasissutissanik imm. 1, nr. 7-imi taaneqartunik tiguisussatut peqqinnissamut ministerip toqqagaa,<< allanngortinneqassaaq imatut: >>Nakorsaatinik Aqutsisoqarfik<<.

6. § 12, imm. 1-imi ilanngunneqassaaq nr. 5-itut:

>>5) Nakorsaatit sinnikuinik peqqinnissaqarfimmi sulisuniit tigusaqarneq kiisalu peqqinnissaqarfimmi igitassat navianaateqarsinnaasut ilaannik peqqinnissaqarfimmi sulisuniit atuisuniillu tigusaqarneq, kommunimik isumaqateqarneq malillugu suujunnaarsitsinissaq siunertaralugu.<<

**7. § 15, imm. 2, imatut oqaasertaqassaaq:**

>>Imm. 2. Nakorsaatinik Aqutsisoqarfimmiit inassuteqaat naapertorlugu peqqinnissamut pinaveersaartitsinermullu ministerip qinnuteqaateqartoq nakorsaataasiviuteqarnissamik akuersis-suteqarfigisinnaavaa imaluunniit nakorsaataasiviutilik nakorsaataasivimmik ataasiinnaangitsumik, taamaattorli amerlanerpaamik nakorsaataasivinnik sisamanik, ingerlatsinissaanut akuersissuteqar-figisinnaavaa.<<

**8. § 15, imm. 4, nr. 3-mi, >>Det Europæiske Fællesskab,<<-ip kingorna ilanngunneqassaaq:**  
>>imaluunniit nakorsaataasivimmi nakorsaataaserisutut § 36, imm. 2 naapertorlugu sulinissaminut Nakorsaatinik Aqutsisoqarfiup akuersissutaanik pisimasoq<<.

**9. § 22, imm. 1, nr. 1, atorunnaarsinneqassaaq.**

Nr. 2-6 tamatuma kingorna nr. 1-5-inngussapput.

**10. § 23, imm. 2, imatut oqaasertaqassaaq:**

>>Imm. 2. § 22, imm. 1, nr. 2, aamma imm. 2 naapertorlugit soraarnermi Nakorsaatinik Aqutsiso-qarfiup aalajangersinnaavaa, akuersissut piffissami aalajangersimasumi qaammatit arfinillit angul-lugit sivissusilimmi atorunnaassanngitsoq, aamma nakorsaataasiviutilik piffissami tassani inger-latsiinnarnissaminut pisussaaffeqassasoq. Nakorsaatinik Aqutsisoqarfiup immikkut ittunik pisoqar-tillugu piffissaq sulii qaammatinik pingasunik ilallugu sivitsorsinnaavaa.<<

**11. § 29, imatut oqaasertaqassaaq:**

>>§ 29. Nakorsaataasivimmik tigusinermi nakorsaataasiviutillip atorfinittup pequsersuinissaq, pisatsersuinissaq nioqqutissaatinillu ingerlatitseqqiinissaq piginnaatitaaffigalugulu pisussaaffigaa, pequsersuineq, pisatsersuineq nioqqutissaatillu atorsinnaappata ullutsinnullu naleqquttumik pitsaas-suseqarpata aamma nakorsaataasiviup pineqartup imaluunniit nakorsaataasiviit pineqartut pisaria-qartitaannut naleqquppata.

Imm. 2. Nakorsaataasiviutilik tunuartoq § 12 a, imm. 1 naapertorlugu nalunaaruteqarsimappat, imm. 1-imi pisussaaffimmut ilaangillat pequsersuineq, pisatsersuineq nioqqutissaatillu, uumasut tunisassiat nakorsaatisaannik taassumap tuniniartagaanut atassuserneqarsinnaasut.<<

**12. § 55, imm. 2-mi, >>naalagaaffiup suliffeqarfiutai<<-ta kingorna ilanngunneqassaaq: >>aamma Kalaallit Nunaanni Namminersornerullutik Oqartussanut<<.**

**13. § 56-imi ilanngunneqassaaq imm. 5-itut:**

>>Imm. 5. Pilersuinerup tungaatigut ajornartoorfinni aamma ajunaartoqartillugu, ajunaarner-suaqartillugu sorsuttoqartillugulu napparsimmaviit nakorsaataasivii imm. 4 apeqquataatinnagu Peqqin-nissamut Aqutsisoqarfimmit akuerineqarlutik nakorsaatinik nakorsaataasivup nammineq akuugaa-nik nakorsaataasivinnut allanut tuniagaaqarsinnaapput, tak. imm. 1, nr. 1, nakorsaatit taamaattor-piaat napparsimmaviit nakorsaataasiviiniunngitsoq allanilli sananeqartarlutillu tuniniarneqartara-luarpataluunniit.<<

**14. § 67, imm. 1, oqaaseqatigiit aappaat, imatut oqaasertaqassaaq:**

>>Siunnersortit peqqinnissamut pitsaaliuiner-mullu ministerimit ukiut pingasukkaarlugit ivertin-neqassapput Pharmadanmark, Farmakonomforeningi aamma Danmarks Apotekerforeningip inner-suussuteqarnerat naapertorlugu, ataasiarlutik iverteqqinneqarsinnaallutik.<<

15. § 70, imm. 2-mi, >>tuniniaanermi iluanaarut<<-ip kingorna ilanngunneqassaaq: >>anner-tooq<<.

## § 2

Pilersuineq, angallanneq, allakkerineq il.il. pillugit Kalaallit Nunannut inatsimmi nr. 469-imi, 6. november 1985-imeersumi, kingullermik allanngortinneqartumi inatsimmi nr. 1074-imi 22. december 1993-imeersumi § 4-kkut, imatut allannguisoqassaaq:

1. § 2, imm. 3, atorunnaarsinneqassaaq.  
Imm. 4 tamatuma kingorna imm. 3-nngussaaq.

## § 3

Peqqinnissaaq pillugu inatsimmi, tak. inatsimmik nalunaarut nr. 95, 7. februar 2008-meersooq, allanngortinneqartoq inatsisikkut nr. 319-ikkut, 30. april 2008-meersukkut, inatsimmi nr. 538-mi, 17. juni 2008-meersumi § 1-ikkut, inatsimmi nr. 539-mi, 17. juni 2008-meersumi § 1-ikkut aamma inatsisikkut nr. 1064-ikkut, 6. november 2008-meersukkut, imatut allannguisoqarpoq:

1. § 157, imm. 2, oqaaseqatigiit aappaat atorunnaarsinneqarpoq, taarsiullugulu ilanngunneqassaaq:  
>>Nakorsat nalinginnaasumik suliallit nalunaarsuiffimmik atuisinnaapput naniniarlugit namminneq nakorsiartartutik, naleqqutinngitsumik nakorsaasersorneqarlutik katsorsarneqartut. Nakorsat immikkut ilisimasallit nalunaarsuiffimmik atuisinnaapputaaq naniniarlugit napparsimasut, nakorsap immikkut ilisimasallip nakorsaammik ataatsimik arlalinnilluunniit nakorsaasersimasai aamma naleqqutinngitsumik nakorsaasersorneqarlutik katsorsarneqartut.<<
2. § 157, imm. 6, oqaaseqatigiit aappaat atorunnaarsinneqassaaq.

## § 4

*Imm. 1.* Inatsit atortuulerpoq ulloq 1. april 2009.  
*Imm. 2.* Nakorsaataasiveqarneq pillugu inatsimmi § 23, imm. 2, inatsisip matuma § 1-iani, imm. 10-kkut oqaasertalersorneqartumi, pineqarput nakorsaataasiviutillit, inatsisip matuma atortuulersinneqarnerata kingorna atorfinitsinneqartut.

*Amalienborgimi tunniunneqarpoq, ulloq 10. februar 2009*

Kunngiussutsitsinnik Atsiorpugut Naqissusiillutalu

MARGRETHE R.

/Jakob Axel Nielsen